

حقوقى بىلىملىك مجموعهسى

صاحب و سرحدى: پارس حقوق فاكولتته نى دوقۇرى

آروقات مىللى غارفرانقو

هيئت تحريريه

موسيو آريل مستر: پارس حقوق فاكولتته
مدرسلىرىدىن

موسيو شاورغردى: پارس حقوق فاكولتته
فخرى مدرسى

موسيو ا. سارم: حقوق دول مجموعهسى
هيئت تحريريه سندن

باھر بك: احضار قوانین قومىسيونى اعضاسىدىن
محمد طلعت بك: آروقات

موسيو آ. پليورى: پارس حقوق فاكولتته
دوقۇرى

فؤاد خېلوسى بك: محكمه تميز اعضاسىدىن

مىبرى بك: عدليه وكالى حقوق ايشلىرى مديرى

مصطفى رشيد بك: استانبول حقوق فاكولتته
مدرسلىرىدىن

احمد رفيع بك: استانبول اجرا رئيسى

احمد مصمىم بك: استانبول حقوق فاكولتته
مدرسلىرىدىن

موسيو شارل قروزا: استانبول حقوق فاكولتته
مدرسلىرىدىن

آدرەس: غلطەدە بختيار خان آروقات مىللى غارفرانقو بىك پازىخانەسى

تلفون: بك اوغل ۳۰۰۹

بهر نسخه نك بدلى ۳۵ غروشدر

بر سنهك آتونمانى پوسته اجرتيله برابر ۴۰۰ غروشدر

تور كيا خارجى ايچون ۵۰۰ غروشدر

كاغذ جيلق و مطبعه جيلق آتونيم لىركتى — استانبول

۱۹۲۸

اصول محاکمه ده غیاب

یکی حقوق اصول محاکمه لری قانونه نظراً غیاب مسئله سی بعض مشکلات احداث ایتمکده در . بو مشکلاته باشلیجه سبب 398 ماده نك عبارتستده کی بر ذهولدر . حقوق فاکولته نك تعطیل دوره سنه مخصوص سربست درسارنده بو ذهولی ایضاح ایده رک ماده نك نصل تفسیر ایدیه جکی خصوصنده ایضاحات ویردک . بو نقطه اوزرنده برآزدها توقف ایتمک اوزره یکی اصول محاکمه یه نظراً غیاب معامله نك نه وجهله جریان ایده جکی تفصیل ایتمکی حالک احتیاجنه موافق کوریوروز .

حقوق اصول محاکمه لری قانوننك 398 نجی ماده سنه کوره « ایکی طرفدن بری تعیین اولان کونده تحقیقات حاکمی نزدنده ویا محکمه ده حاضر بولندیقی ویا جوابنامه سی کوندرمدیکی ویا خود بولونوبده جوابدن امتناع ایلدیکی تقدیرده غیاب قراری ویریلیر . » بوماده نك ظاهر افاده سندن اکلاشیلان معنایه کوره ، قانوناً ویا حاکم طرفندن تعیین اولان مدت ظرفنده مدعی نك ادعاسنه قارشی تحریراً جوابی لایحه ویرمیش اولان مدعی علیه ویا خود مدعی علیه جوابنه مدتی ظرفنده مقابله ایتمیان مدعی حقنده بالضروره غیاب قراری ویرلمک لازم کله جکدر . بو طرز تلقی ، عدالت نقطه سندن محذوری اولدیی قدر ، قانونک عمومی اساسلرینه حتی دییه بیلیرزکه ، برآزده متذمه مخالفدر .

اول امرده مسئله یی نظری اوله رق تدقیق ایده لم :

یکی اصول محاکمه قانوننك قبول ایتمیکی اساسه کوره ، اصول محاکمه ، قاعده اولارق شفاهیدر . یعنی محکمه ده شفاهاً بیان ویا تأیید اولمیان ادعا ومدفاعه نظر دفته آله مابق لازمدر . بناءً علیه شفاهاً ادعا ومدفاعه ده بولنقی اوزره کله منس اولان طرف حقنده غیاب قراری ویریلرک یکیدن دعوت اولنماسی لازم عد اولمشدر . انجق شفاهی مرافعه لرک ، تحریری بیانلر ایله احضاری مجبوری قیلنررق ادعا ومدفاعه نك مضبوط بر حالده قالمسی ، متبادیاً دیکشمه سی تأمین ایدلمک ایسته نمشدر . شو حالده ، مرافعه کونی

حاضر بولنش اولان طرفی، غائب عد ایدوب واقعه‌ی تحریراً انکار ایتمه‌سی وسیله‌سیله کندیسنی بستیون مدافعه‌دن محروم وبالخاصه، دیگر طرفک هر سویله‌یکسنی دوغری اولارق قبول ایتش عد ایتک، عدالته موافق دوشمز . کندیسنه، هیچ اولمازسه مدعینک ویا مدعی‌علیهک تحریراً بیان ایتدیکی واقعه‌ی ساده‌جه انکار ایده‌بیلیمک فرصتی ویرمیدر. دیگر طرفدن بر کیمسه‌نک معنایز، کولنج، امکانیز تلقی ایتدیکی بر ادعایه قارشو تحریراً «خایر» دییه جواب ویرمائی، و بونی دیمک ایچون یازی، تبلیغ مصرفه قاتلانما‌سی نهدن بودا‌عالری قبول ایتش عد ایدلسنی ایحجاب ایتسون . سوکرا، ای براصون محاکمه یالکیز بر «خایر» دیمک اوزره وقت غائب ایدلسنی، مصرف ایدلسنی ضروری عد ایده‌مز . بوقدر زیانیز بر قصور سببیه حتی شکله فدا ایده‌مز. نهایت، بویه بر جوابک تحریراً ویرلما‌سندن، دیگر طرفه هیچ بر ضرر کله‌مز . بناءً‌علیه، نوشتانله، فرانسه‌ده، آلمانیا‌ده اولدینی کی محکمه‌یه کلن کیمسه‌یه قارشو غیاب معامله‌سی یا بیلاماق لازمدر .

شوالده ادعا و مدافعه‌نک تحریراً تثبیت ایدلسنده کی مجبوری قانونیه رعایت ناصل تأمین ایدیه جکدر ؛ بوسؤاله 4 نومرولی فقره‌مزدده جواب ویره جکیز .

2 — ثانیاً بوطرز تلقی، قانونک وضع ایتدیکی دیگر اساسلره، ومتننه مغایردر . فی‌الحقیقه 201 نجی ماده‌ده «مدعی‌علیه مدعینک عریضالنده بیان اولنان واقعه‌لری انکار ایله اکتفا ایتمزسه» لایحه‌نک «اشاعیده، بیان اولنان خصوصلری احتوا» ایده‌جکی بیان ایدلمشدر. بناءً‌علیه انکار محض ایله اکتفا ایدن مدعی‌علیه جواب لایحه‌سی اعطاسی کلفتک تحمیلی قانونک مقصدینه پک موافق کورمیورم .

(b) 198 نجی ماده موجبجه «تعیین اولنان مدته جواب لایحه‌سی ویرمه‌مش ویکی مهلت‌ده ایسته‌مه‌مش اولان طرفک محاکمه جلسه‌سنده اساسه کیریشمزدن اول بوباده کی معذرتی بیلدیره‌رک مدتک تمیدینی ایسته‌یه‌بیلر» دیمک که مدتی ظرفده جواب لایحه‌سی ویرمیان کیمسه شفاهی محاکمه قبول اولونور. بالنتیجه‌علهنده غیاب قراری ویرلمز.

(c) 398 نجی ماده‌ده «ایکی طرفدن بری تعیین اولنان کونده . . . جوابنامه‌سی کوندر مدیکی تقدیرده، حقه‌ده غیاب قراری ویریه جکی ذکر اولنقده‌در . شایان دقتدر که

قانون، ماده‌ده لایحه تعبیری قولاً مقدر اجتناب ایتشدر. ذاتاً لایحه‌لر تعیین ایدیله‌جک جلسه محاکمه‌ده ویرلز. نوشتاتل اصول محاکمه قانوننک بوماده‌یه تقابل ایدن 343 نجی ماده‌سنده بوقید یوقدر. نوشتاتل دارالقنون مدرسی Professeur Mantha طرفزه یازدینی برمکتوبده بو مسئله حقنده شو جوانی ویرمکده‌در:

« مجرد، جوابک قانونی مدت ظرفنده ویرلامسی سبیلله غیاب قراری ویرله‌مز. تحریراً جواب ویرمکسزین جلسه‌یه کلن مدعی علیه، حاکم‌دن اوچ کونلک بر مدت آله‌جقدر. » بناءً علیه بوراده‌کی « جوابنامه » کله‌سنی لایحه جوابیه معاسنه‌آلق دوغری اولمادینی قناعتنده‌یم.

شو حالده بوماده‌ده‌کی « جوابنامه‌نک کوندوله‌مسی » قیدینی معقول اولارق ناصل تفسیر ایده‌جکزر.

ماده‌نک، نوشتاتل قانوننه نظراً فرقی یازلامسی شو صورتله ایضاح اولونابیلیر:

224 نجی ماده موجبجه طرفینک اختلاف حائده بولوندینی حادثه‌لر، قاعده اولارق، تحقیقات حاکمی طرفندن طرفین استماع ایدلدکن سوکرا ویاخود محکمه‌یه ویردکلری اوراق اوزرینه حل اولونور. بناءً علیه یوم معینده کله‌ین طرف حقنده غیاب معامله‌سی تطبیقنه لزوم اولمقسزین حادثیه دائر قطعی قرار ویریلیر. بوقرار علیهنه اعتراض اولنه‌ماز. حادثه‌نک حلی ایچون معین اولان کونده کله‌ین طرف، حقنده دعوانک صفحات سائر سندده غائب ایتمس کبی معامله یاپیلوب، بوتون معاملات متباقیه وجاهاً جریان ایده‌ر.

ظن ایدیورزکه واضع قانونمز، صرف وضوحی تأمین ملاحظه‌سیله، 224 نجی ماده‌ده نوشتاتل قانوننده موجود اولیان بوعلاوه‌ینی یاپمیشدر: « صلاحیت کبی حادثه شککنده حلی مقتضی ادعای محکمه‌یه کله‌کسزین تحریراً درمیان اولونابیلیر. » بو فتره اولمه‌سیله حکمی، 223 نجی ماده‌دن چیقمقده‌در. واضع قانوننک 398 نجی ماده‌ده بو فقره‌یه کنایه یاپمیش اولدینی ظن ایده‌رم. بناءً علیه جوابنامه کله‌سی حادثیه دائر مدعی علیه‌ک ویردیکی جوابدر. مدعی علیه حادثه حقنده اختلاف حائده اولدینی بیلدیردیکی حالده جوابنامه ویرماش وشفاهاده کله‌رک ایضاحات اعطاسندن اجتناب ایتمس ایسه علیهنه غیاب قراری ویرله‌جکدر. مع‌ماقیه عبارده‌نک متنی تصحیح ایدلمسی شایان تمیزدر.

3 — غیابك حكمی نه در؟ حاكم غیاب قرارى ویردیكى جلسه ده، غائب علیه حکم ایدہ مز. یالکز او جلسه ده تحقیقاتك ایجاب ایتدیردیكى معامله لری ایفا ایدہ بیلیر و یا خود ایجاب حالى نظر دفته آلاق تحقیقاته دوام ایتکسزین دعوائى جلسه آتیہ تعلیق ایدر و غائب اولان طرفه بو جلسه ده حاضر بولماسی ایچون یکیدن تبلیغات ایفاسنه قرار ویرر.

کشف اجرامى شاهد استماعی ایچون دعوا تعلیق ایدلش اولوبده او کون شاهدلر کلش کشف قابل اجرا بولنش ایسه مصارفی چوغالتماق ایچون معامله لری حاضر بولنمایان طرفك غیابنده یاپمالیدر. فقط بالعکس دیگر طرف حاضر بولنادقجه مسئله نك فائده لى بر صورتده تحقیق ایدلسی قابل دکل ایسه، ازجمله بر طرفك استکتابی و یا خود تحت اشغالده بولنان بر محلك کشفی و یا خود شاهدله مواجهه سی موضوع بحث اولان بر جلسه ده اوطرف گلزسه تحقیقات ایچون دیگر بر جلسه تعیین ایدلک مجبورى اولور. حاکم، ایجابنه کوره معین کونده معامله لرك بعضلری ایفا، بعضلری تأخیر ایدہ بیلیر. مثلاً اوچ شاهده دیگه کدن صکره بونلردن برینك دیگر طرف ایله مواجهه ایدلسی ایچون دعوائى جلسه آتیہ تعلیق ایدہ بیلیر.

اعتراض: غیاب معامله سنه اعتراض ایچون مدت نه در؟ اولاً حاکم تعیین اولنان جلسه ده تحقیقاتى اکمال ایتش ایسه بالطبع یکیدن کون تعیینه محل یوقدر. مدعى علیه کندینه تبلیغ تاریخندن اعتباراً بش کون ظرفنده بو معامله لره قارشى اعتراض ایدہ بیلیر. بالعکس بو معامله لر یاسلمیه رق دعوا باشقه بر کونه تعلیق ایدلش ایسه آرتق عائد اولان طرفك بش کون ظرفنده اعتراض ایتسنه نه لزوم وارد نده محل. تعیین اولنان جلسه ده حاضر بولنور و معامله وجاهنده جریان ایدر. حتی فکر مزه کوره، تحقیقات حاکمى طرفندن غیاب قرارى ویرلد کدن صوکر ا معاملات تحقیقه ایفا ایدیلوب ایش محکمه یه سوق اولونمش و محکمه جه اساس حقنده مرافعه ایچون کون تعیین ایدلش ایسه معین کونده دخی دیگر طرف محکمه ده حاضر بولونابیلیر. بو تقدیرده غائب، تحقیقات حاکمك غیاباً یابدینی تحقیقاته قارشى اعتراضى محکمه ده درمیان ایدر. دقت اولونورسه قانونك افاده سنده نوشاتل قانوننده اولمایان دیگر بر ذهول نظر دقتی جلب ایدر. بو ذهول بعض یا کلیش تفسیرلره سبب ویرمکده در.

401 نجی ماده ده « حاکم غیاب قرارینی ویردیکی جلسه ده برکونا معامله باقمضیه دعوائی باشقه کونه تعلیق ایتش ایسه ... » معین جلسه ده غائب حاضر بولونابیله جکی بالعکس 402 نجی ماده ده « غیاب قرار ویریلن جلسه ده معین معامله تماماً و یا قسماً ایفا اولومسه ایسه » تبلیغ تاریخندن اعتباراً بش کون ظرفنده اعتراض اولونمق لازم کله جکی ذکر ایدلمشدر . بونک ظاهر افاده سندن آکلاشیلان معنا، حاکم معاملات تحقیقه نك بعضیرینی غیاب قرارینی ویردیکی جلسه ده پامش ایسه دیکرلرینه دوام ایتک اوزره دعوائی دیکر بر جلسه تعلیق ایتسه بیله، بش کون ظرفنده اعتراض مجبوری اولدینی آکلاشیلور . بویه بر قاعده معقول کورونمز . چونکه دعوانک تحقیقی ایچون ذاتاً معین بر جلسه اولدیغندن آروجه اعتراض پایله رق یکیدن بر جلسه آجدر مقده هیچ بر فائده یوقدر . بالعکس مصرفی تزید، دیکر طرفی ازعاج ایتسی و شاشیرتمسی اعتباریه تهلکه لیدر .

4 — یوم معینده محکمه ده اثبات وجود ایتدیکی حالده، اولجه تحریراً ادعا و یا مدافعه سنی بیلدیرمهش اولان طرف حقنده نه معامله پایسلاجقدر ؟ حقنده غیاباً محاکمه پایسلا میه جفته نظراً قانونک ادعا و مدافعه نك تحریراً تثبیت ایدلمه نه دائر اولان حکمی نه صورتله تأیید اولوناجقدر ؟

اول امرده 2 نومرولی فقره مزده ایضاح ایتدیکمز وجهله تحریری جواب ویرماش اولان طرف 198 نجی ماده یه توفیقاً معذرتی بیلدیرمه رک یکسدن اوچ کونلک بر مهلت آله بیلیر . آنجق لایحه ویرماسنی معذور کوسترمک ایچون بیان ایتدیکی سبب محکمه جه بحق کورلمز و یا خود ویریلن اوچ کونلک مهلت ظرفنده تحریراً جواب ویرمزسه کندیسنی دفع درمیانی حقندن محروم عد ایتک اقتضا ایده جکدر . فی الحقیقه 202 نجی ماده دن آکلاشیلدیغنه کوره ایلك لایحه لرده بیلدیرلماش اولان اسباب ادعا و مدافعه نك محاکمه ده درمیانی جائز دکلدر . آنجق 201 نجی ماده دن چیقارمق ایستدیکمز معنایه کوره لایحه ویرماش اولان مدعی علیه مدعینک ادعاسنی انکار ایله اکتفا ایده بیلیر . سبب دعوائی مدعی اثبات ایدر و یا خود مدعی علیه قبول ایدرسه محکمه مدعینک سبب دعواسنک ثابت اولدیغنه قرار ویرر، مدعی علیه محکوم ایدر . آنجق فکر مزه کوره، بو قرار مدعی علیه او دعواده درمیان ایده مدیکی و یا ایتدیکی اسباب مدافعه نك ردینی

تضمن ایتمز. سبب دعوا حقنده ویریلان قرار بوسیله قارشی درمیان ایدیلجك . مدافعات حقنده قضیه محكمه تشكيل ایتمز. بوفكر Garsonnet و Cezar Bru و دیگر برچوق مؤلفر طرفندن قبول ایدلمشدر .

یکی حقوق اصول محاکمه لری قانونی شر حمزه مراجعت. 237 ماده شرحی 10 Numero Garsonnet, oild III Numero 7

5 — 3 نومرولی فقره مزده ایضاح ایتدك كه حاكم حقنده غیاب قراری ویردیگی جلسه حاضر بولنمایان طرف علیه حکم ایتمز. غائبه یکیدن تبلیغات یاپیلیر، ینه کلزسه علیه حکم ویریلیر و بو حکمه قارشی اعتراض امکانی یوقدر .
337 نجی مادهده بو قاعدهك بر استثناسی کور یوروز .

وجاهاً جریان ایدن محاکمهده، مدعی علیه، مدعیك ادعاسی و یا مدعی، مدعی علیه دفعی انکار ایدوب مسئلهده یمین تکلیف ایدلمش ایسه یمین ایده جك کیمسه یه تبلیغات یاپیلیر و فقط یمین ایده جك کیمسه او کون مشروع سببه مسقتد اولمق سزین محكمه یه کلزسه علیه حکم ویرمك اوزره دعواك تعلیقنه محل یوقدر. حاكم 337 نجی ماده یه توفیقاً یمین ایده جك کیمسه یی یمیندن امتناع ایتمز عدایدرك دعوایی ثابت عدایدر. انجق بو قراره قارشی، او کیمسه، تبلیغی کونندن اعتباراً سکز کون ظرفنده عرضحال ایله اعتراض ایدر ك یمین ایده جكسی بیلدیر ییلیر .
حقوق فاکولتسی مدرسلرندن

مصطفی رشید

مفوق اداره

رومانیا واضع قانونك قضای اداری حقنده کی تلقیسی

محرری : رومانی محكمه تمیز اعضاسندن موسیو قورنلیو بوهز
رومانیاده قضای ادارینك ایلك تشکیلاتی بك کچ اوله رق شورای دولت قانونیله 11 شباط 1864 ده باشلامشدر. شورای دولت، قوه اجرائیه یه ملحق اولمق اوزره حق قضایی حائز بولمق و حکومتك مجلس مبعوثانه تقدیم ایده جکی لوائح قانونیه یی احضار ایتك صلاحیت مخصوصیله تأسیس ایدلمشدر .